

# تخيل لو | الحلقة ( 40 ) | #شبابيك | د. حازم شومان

حازم شومان

بسم الله والصلاة والسلام على رسول الله شبابنا الجميل بناتنا اللي ان شاء الله هيبقوا احسن احسن بنات في الدنيا كلها ربنا يبارك فيكم وربنا يحفزكم شبابيك. نفسنا انك تفتحي لنا شباك في قلبك. نفسنا انك انت تفتح لنا شباك في قلبك. نفسنا ان احنا - 00:00:00 افتح قلوبنا لبعض يا جماعة. نفسنا ان احنا قلوبنا تتفتح لبعض ويدخل نور الايمان ونور الصلة بالله. سبحانه وتعالى. دعني استمتع الكلمة دي يا ترى مين اللي قالها؟ لو انت تخيلت كده واحد بيقول لواحد سبني استمتع بشبابي. انا عايز اتمتع. كلمة المتعة دي كلمة سيئة السمعة عندنا - 00:00:30

لما يتحط كلمة المتعة على فيلم يبقى معناها ان الفيلم ده مش كويس. لما واحد يقول انا عايز اتمتع يبقى معناها ان هو ممكن يكون يعني عنده اغراض معينة. كلمة - 00:00:50

المتعة ديت لما واحد يقول لواحد سبني استمتع. يا ترى دي بنت متبرجة وعايزة تنزل في من البيت بالمنزل اللي هي عايزاه. ومامتها واقفة في طريقها. وبتقول لها احنا هنا محافظة اقل من استرتش ما عدش ينفع. احنا لا محافظة اخرنا استرتش وبدي. يا ترى مين يا جماعة اللي بيقول لمين دعني استمتع؟ انا عايز اتمتع بحياتي - 00:01:00

فجأة يا جماعة ان ده صحابي سيدنا عبدالله بن عمرو بن العاص صحابي شاب وبيقول كده للنبي عليه الصلاة والسلام بيقول له يا رسول الله انا عايز اتمتع يا رسول الله انا عايز - 00:01:20

اتمتع في الدنيا دي. انا عايز اعيش الدنيا دي بالطول والعرض. انا عايز اعيش اجمل مشاعر في الدنيا دي. واجمل متع في الدنيا دي. كان قصده ايه؟ كان بيقول له - 00:01:30

يا رسول الله عليه الصلاة والسلام. سبني اختم القرآن كل ليلة. سبني اصوم كل يوم والنبي عليه الصلاة والسلام مش راضي. لان في هذا مبالغة في العبادة. يعني تخيلوا يا جماعة ان المتعة عند الصحابة هي العبادة. ان المتعة عند الصحابة هي طاعة ربنا سبحانه وتعالى. واحد هيقول لي متعة ايه يا عم؟ يا عم انت بتتكلم في ايه؟ ده - 00:01:40

معارض طاعات ده حياة خنيقة يا عم. وبعدين وبعدين ايه الحياة الكويسة بقى؟ انا عايز اعيش دنيتي وعندي طموحات وعندي امل. يعني وقف اي واحد ماشي في الشارع دلوقتي. ماشي. طالب ماشي. انت بتعمل ايه؟ بذاكر. طب وبعدين؟ وبعدين هانجح واتخرج. طب وبعدين! وبعدين هاشتغل طبعا والاقاي - 00:02:00

شغل جميل في شركة مالتى ناشيونال جروب واخد مرتب محترم. وبعدين؟ وبعدين هيجوز بنت جميلة طبعا واجيب عربية آآ فخمة في الاوبشن باور متالك حاجة ما حصلتش وبعدين؟ وبعدين اخلف عيال كويسين وادخلهم انترناشونال سكولز. طب وبعدين؟ وبعدين هيبقى عندي شركة وعيالي يشيلوها لما يكبروا - 00:02:20

بعدين وبعدين هتموت. وبعدين هتموت. وبعد ما تموت هتبقى تراب. هتبقى التراب دهوه. عارفين يا شباب التراب ده ايه التراب ده من المقابر. التراب ده من التراب. التراب ده اجساد. ممكن كان اجمل شاب في البلد دهيت اللي فيها المقابر دهيت - 00:02:40

اجمل شاب ودي الملامح بتاعته بقت شوية تراب. التراب ده ممكن كان اجمل وش بنت من خمسين سنة في البلد هنا هو. وبقي التراب. وبعد ما تموت هتبقى تراب والشهرة والنجاح بتاعك هيبقى زكريات. واليافاطة اللي اتعلقت على الشركة بتاعتك هتتشال وهتتباع وهتتباع بتمن الخردة بتاعتها. لاي - 00:03:00

في واحد والفلوس بتاعتك هتتورس وولادك هيتمتعوا بها. وبعدين يا جماعة هي دي المتعة! هي فين المتعة ديت! هي فين المتعة في

معصية وبعد كده اجمل بنت اهي. اجمل شاب اهو اقوى شاب بادي بيلد اهو. اكثر واحد وزير من الوزرا اللي في البلد اهو. رئيس جمهورية وحاكم اهو - 00:03:20

التراب يا جماعة. شوية تراب وبعدين؟ وبعدين يا اخوانا ربنا سبحانه وتعالى بيقول وان استغفروا ربكم ثم توبوا اليه يمتعكم يا رب يا رب استغفروا يمتعكم. يا رب اعصوا يمتعكم. يا رب مش التوبة هي اللي بتجيب المتعة. يا رب المعصية اللي بتجيب المتعة. يا رب عيشوا حياتكم زي ما انتم عايزين - 00:03:40

اعصوا زي ما انتم عايزين. عادوا الشريعة زي ما انتم عايزين. كسروا حدود ربنا زي ما انتم عايزين. اعصوا يوم اتقوا. ربنا قال لا استغفروا ربكم ثم توبوا اليه يمتعكم. المتعة في التوبة المتعة في طاعة ربنا يا جماعة. المتعة من اكثر الآيات اللي بتزلزل القلب في القرآن - 00:04:00

فامنوا فمتعناهم فامنوا فمتعناهم. قلت ياه مسكت المصحف قلت يا رب يعني المتعة يعني السعادة بالايمان. يعني السعادة في الصلاة بك يا رب. فامنوا فمتعناهم احد اصحابي. لما التزم وكان طالب في كلية صيدلة. وكان - 00:04:20  
تطلع رحلات مع اصحابه فاصحابه قالوا له يعني تعال اطلع معنا رحلة بعد ما التزم فما رضاش قعدوا يقنعوه. قال لهم بقول لكم ايه؟ سجة واحدة بس بين ايدين ربنا بكل - 00:04:40

كل الرحلات اللي طلعتها في حياتي. اقساموا الشاشة نصين يا جماعة. اقساموا الشاشة نصين يا بنات. اقساموا اقساموا الشاشة نصين يا شباب. نص في لما لبست حجاب امهات المؤمنين علقت تعليق غريب اوي. قالت انا حاسة ان انا عروسة الدنيا كلها بتزفني. عروسة شوفوا فرحها - 00:04:50

اه وهي لابسة حجاب امهات المؤمنين. والمنزر الثاني اربع تلاف واحد يوميا بينتحرروا. يوميا على وجه الارض اربعة الاف واحد بيقتلوا نفسهم من الاكئاب اللي هم فيه. واليأس النفسي اللي هم فيه. اقساموا الشاشة نصين يا جماعة. نص فيه. ليه النبي عليه الصلاة والسلام في السجود يقول لربنا ثبت قلبي - 00:05:10

من الجمال والمتعة اللي عاشها بين ايدين ربنا في السجود. يا رب انا مش عايز المتعة دي تروح. مش عايز المشاعر دي تروح. اقساموا الشاشة نصين يا جماعة. نص يا اخوانا فيه المتعة اللي عاشها اهل الدين والنص الثاني الشاب اللي اترمى على عربية واحد صاحبي يعني اخ من اخوانا قال له ما تسبنيش - 00:05:30

مش بيقول منهار في البكاء ما تسبنيش انا انا متدمر انا متحطم ادع لي خد بايديا ما تسبنيش ساعدني ان انا اخرج من اللي انا فيه البكاء ده ايه؟ ده مش - 00:05:50

عزاب فامنوا فمتعناهم. وبعدين يا جماعة. وبعدين يا شباب شوية تراب. وبعدين بورتو مطروح ومراسي وسيدي عبدالرحمن وجولف بورتو وهيسيندا باي وشرم والغردقة ومارينا والساحل الشمالي كل ده وبعدين شوية تراب. شوية تراب يا اخوانا دي النهاية ياه - 00:06:00

التراب ده على ما الشاب اللي بيعصي ربنا والبنت اللي بتعصي ربنا بقوا شوية تراب. يا ترى دخلوا في ايه؟ يعني الانسان اول ما ييموت بيبقى عامل زي حطة الحديد. لو اتحط في - 00:06:20

جو حر يسخن بالزبط زي الحديد. لو اتحط في جو برد يتلج بيقى زي لوح التلج. بيتيبس بيتيبس على مكانه. تلاقوا واحد عمل الشهادتين ييموت يفضل كده لحد ما يموت. واحد مات وهو ساجد ها يفضل يدفنوه وهو ساجد. واحدة ماتت وهي حاضنة المصحف يدفنوها وهي حاضنة المصحف. ممكن واحد مات وهو بيزني ييموت على - 00:06:30

وضع الزنا والعياذ بالله ويثبت عليه. انسان بيتيبس وما عدش اسمه الدكتور فلان والاستاذ فلان وفلان باشا. بقى الامانة هاتوا الامانة. الجثة بقى اسمها الامانة بعد ست ساعات من موت اجمل امرأة في الدنيا واحد شاف صورة مارين مونر بعد ست ساعات من موتها كان بيعجبها جدا. قال ما عدتش بطيء ان انا اسمع اسمها. بعدين - 00:06:50

يوم واحد من موت الانسان بيحصل له ايه؟ يببدأ العفن يمسك في البطن والفرش. اول حاجتين بيتعفنوا في جسم الانسان. اكثر

حاجتين منهم اكثر حاجتين اهتموا بمتعتهم. البطن والفرج بقى عامل زي الرغبة المعفن اللي الخضار ملاه. بعد ما كانت بتحط  
بودة واحمر وبقى لونها اخضر من العسل - 00:07:10

بعد يومين بتبدأ العروق تتنفخ وتطلع من الجلد ومن جوة المخ بيدوب ويبسح ويبتعض والمعدة والطحال والكبد بعد تلت ايام لو  
فتحت عليها القبر بتاعها هتهرب من البلد لان الريحه ما فيش اي مزيل عرق ولا اي معطر جو ولا اي برفان هيقدر ان هو - 00:07:30  
بها بعد اسبوع من موت الانسان. الجسم بيحصل فيه تغيرات. اللسان اللي ياما اغتاب يطلع ويتحجر. العينين اللي ياما بصت حرام  
تطلع وتفرق ويسيل اللي جوة العين. الوش يسود بعد عشر تيام يا جماعة. بعد عشر تيام البطن بتنفجر. لو - 00:07:50

في حاجة كانت جوة المعدة الانسان بيرجعها. الجثة بتقذفها. يعني اعضاء الانسان اللي كان يعني في الجماعة فجر هي كمان. الانسان  
كل حاجة فيه بتبدأ تفرق تنفجر. بعد اربعتاشر يوم من موت الانسان. اسنانه بتقع. شنبه بيقع - 00:08:10

السكسوكه والدوجلاس بتقع. السوالف بتقع. الشعر بيقع. الحواجب بتقع. الرموش بتقع. الجلد بيقع. الضوافر بتقع بعض المانيكير  
والباديكير والايلانير ماسكة بعد كل الميك اب الرهيب دهو كل ده بيقع بيبقى منزر الانسان ايه بعد خمستاشر يوم بيبقى - 00:08:30  
الانسان كتلة من الدود مغطياه. لو اتفتح عليه دكاترة الطب الشرعي فتحوا عليه وهم بياخدوا حتة من جسمه بيبقى كتلة من الدود  
مغطياه. بعد كده في ست شهور كل اللحم بيتاكل من الدود والدود نفسه بيموت وبعد كده بيبقى هيكل عظمي وفي خلال سنة الهيكل  
العظمي بيتفرق من بعضه وفي خلال خمسة وعشرين - 00:08:50

بيبقى شوية آآ عضم مهري مفروم وبعد سنين طويلة بيبقى المنزر ده. وبعدين وبعدين يا جماعة فين المتعة في المعصية؟ فين المتعة  
في البعد عن ربنا سبحانه وتعالى؟ فين المتعة ان الانسان يدي شهره لربنا؟ ايه المتعة اللي في كده؟ انما سيدنا عبدالله ابن عمرو ابن  
العاص دعني استمتع - 00:09:10

اه يا رسول الله انا عايز استمتع واحد بيقول انا عايز اعيش المتعة. واحد من السلف بيقول انا لنجد لذة لذة اللذة ديت المفروض  
الحاجات اللذيذة واللذاعة ده كلام الشباب في المعاصي بيقول انا لنجد لذة لو يعلمها ابناء الملوك لجالدونا عليها بالسيوف. احنا  
عايشين في مطعم - 00:09:30

ما حدش حاسسها. والله يا اخواني والله الواحد وهو بيجلس لذكر الله. بيجد سعادة وفرح. والله لو وزعت على الدنيا لفاضت لفاضت.  
سمعتها من شيخ من مشايخي. بيقول انا قال لي كده. بيقول لي انا ساعات بيعدي علي لحظات. بقول لو اهل الجنة في المتعة -  
00:09:50

يبقى الجنة دي حاجة ما حصلتش. ده دي في الدنيا وشيخ انا. وقال لي الكلام ده مني لك. في قعدة بيني وبينه. المتعة يا جماعة  
فامنوا فمتعنهم استغفروا ربكم ثم توبوا اليه يمتعكم. مش الاربع تلاف اللي بينتحروا كل يوم. مش الشباب اللي ماشي الاكتئاب  
دمروا. الاكتئاب فرم الفه. من جوة من - 00:10:10

اللي هو فيه والخنقة اللي هو فيها. وبعدين يا جماعة وبعدين فامنوا فمتعنهم. المتعة الملتمزم عايز المتعة والعاصي عايز المتعة. بس  
ده بيدوق متعة حقيقية. وده بيدوق متعة معها عزاب. هي لحزة المعصية بس. هي لحزة المعصية. وبعد كده لما بيتعود عليها -  
00:10:30

ما عدش بيبقى فيه اي متعة من المتعة نهائيا. عايزين نفتح شباك. افتح شباك في قلبك. افتح شباك في قلبك لنور ربنا. افتح  
شباك في قلبك قرآن ربنا. دوق طعم القرآن. دوقي طعم الذكر. دوق طعم. انك انت المنظر اللي احنا واقفين فيه دلوقتي ده. الخصرة  
الجميلة ده - 00:10:50

المية الجميلة دي الطيور الجميلة ده ايه؟ السما الجميلة ده ايه؟ الشمس الجميلة مش ده خلق ربنا يا جماعة؟ مش ده اللي ربنا قال لنا  
بصوا له اتمتعوا بقدرة ربنا - 00:11:10

اللي خلقكم. شوفوا ربنا قادر قد انه يحل لكم كل مشكلة في حياتكم. شوفوا ربنا اللي خلق كل ده بقدرته ما يقدرش يعيشك سعيدة.  
ما يقدرش يعيشك سعيد يا اخوانا العيشة يقول لك ده الواد ده عايش ليه؟ بيكلم بنته ويدخل على الاسكايب يعمل اللي هو عايزه.

ومكالمات فودافون المجانية بالليل - 00:11:20

وعايش حياته على الفيس مسنجر والساحل الشمالي ده قاعد فيه طول الصيفة. انما ربنا قال لك لا فاما من ثقلت موازينه وفي عيسى فهو في عيشة. عيشة راضية هم دول اللي عايشينها. الناس اللي مع ربنا هي دي الناس اللي عايشاها صح. هي دي الناس اللي عايشة

اجمل - 00:11:40

مع ربنا وفي النهاية كله هيبقى تراب. ومش هيبقى الا العمل الصالح. عايزين نفتح شباك. عايزين نفتح شباك في قلوبنا لنور ربنا يدخل منه نور ربنا. يدخل منه حب ربنا. يدخل منه اليقين بربنا. سبحانه وتعالى. عايزين نتغير. عايزين نغير كل حاجة في حياتنا -

00:12:00

عايزين مش عايزين نلتزم مش عايزين نسيب المعصية عايزين نكره المعصية. مش عايزين نبقي ناس كويسة احنا عايزين ندوق متعة الدين عايزين ندوق متعة الصلة بربنا. يعني الانسان اللي واقف في النص ده ما هوش ضايق متعة الصلة في ربنا. انما الانسان

اللي موصول بالله - 00:12:20

فعلا اللي بتعبد ربنا فعلا اللي بيقرّب من ربنا فعلا ده عايش عايش دين. عايش متعة الدين. عيش متعة الدين. دوقي متعة الدين في الصلاة بالله شبابيك برنامج بنمد ايدينا فيه لكم عشان تمدوا لنا ايديكم. مد ايديك ونحط ايدينا في ايدين بعض. نحاول - 00:12:40 ان احنا نوصل لحوض النبي عليه الصلاة والسلام مع بعض. نحاول ان احنا نوصل للفردوس الاعلى مع بعض. بنمد ايدينا لكم يا شباب. مش هنسيبكم لوحدهم. ما تسيبوناش خدمة خلينا سفينة ماشية في الطريق لربنا سبحانه وتعالى. ربنا يبارك فيكم. ربنا يحفظكم. ربنا

يمتعكم في الدنيا والاخرة. ربنا يسعدكم - 00:13:00

يبارك فيكم شبابنا الجميل اجمل شباب في الدنيا واحلى شباب في الدنيا. يا رب ربنا يوفقنا ويفتح علينا ويثبتنا على طاعته حتى

وندوق متعة الدين. جزاكم الله خيرا - 00:13:20